

Bosna i Hercegovina  
Federacija Bosne i Hercegovine  
KANTON SARAJEVO  
KANTONALNA JAVNA USTANOVA  
„GERONTOLOŠKI CENTAR“  
SARAJEVO

Broj: 16-*1258*/22.

Sarajevo, 07.09.2022. god.

Na osnovu člana 18. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), člana 42. stav (2) alineja m) Pravila Kantonalne javne ustanove „Gerontološki centar“ Sarajevo, člana 134. Pravilnika o radu KJU „Gerontološki centar“ Sarajevo i Zahtjeva radnika Gerontološkog centra Kadrić Dženane, broj: 106/1056 od 16.03.2022. god., Direktor KJU „Gerontološki centar“, d o n o s i:

**O D L U K U**  
o isplati jednokratne novčane pomoći

1. Radniku KJU „Gerontološki centar“ Sarajevo, **KADRIĆ DŽENANA**, zaposlena na neodređeno vrijeme na radnom mjestu **Pomoćni kuhar** (Ugovor o radu broj: 14-88/20 od 13.01.2020. god.), zbog teške bolesti užeg člana porodice – supruga Kadrić Nermina, a koja zahtijeva kontinuirano i dugotrajno liječenje, **ODOBRAVA SE** isplata jednokratne novčane pomoći, u iznosu tri prosječne neto plaće isplaćene u Federaciji BiH, prema posljednjem objavljenom podatku, u iznosu **3.306,00-KM** (Slovima: Trihiljadetrinostotinešest KM).

2. Za izvršenje ove Odluke zadužuje se Služba materijalno-finansijskih i računovodstvenih poslova Gerontološkog centra.

3. Odluka stupa na snagu danom donošenja.

**O b r a z l o ž e n j e:**

Radnik KJU „Gerontološki centar“ Sarajevo, Kadrić Dženana, obratila se sa zahtjevom za odobravanje jednokratne novčane pomoći, koja joj je neophodna u cilju nastavka liječenja teške bolesti člana uže porodice – supruga Kadrić Nermina, koja zahtijeva kontinuirano i dugotrajno liječenje.

Imajući u vidu odredbu iz člana 18. stav (2) Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22) imenovana je dostavila dokaze o kvalifikaciji težine bolesti, odnosno dostavila je Potvrdu broj: 07-185/22 od 23.02.2022. godine izdatu od strane JU Zavod za zdravstvenu zaštitu zaposlenika MUP-a Kantona Sarajevo. Obzirom da u članu 18. navedenog zakona nije precizirano ko se smatra članom uže porodice, a da su vršene izmjene Pravilnika o radu KJU Gerontološki centar Sarajevo i usklađena odredba člana 100. sa navedenim zakonom, dok član 104. Pravilnika o radu koji definiše ko se smatra članom uže porodice nije izmijenjen, primijenit će se član 104. Pravilnika o radu KJU „Gerontološki centar“ Sarajevo u kojoj je navedeno između ostalog da se članom uže porodice smatra suprug(a) u braku ili van braka, ako žive u zajedničkom domaćinstvu.

Na osnovu CIPS-ovih prijavnica, Izvoda iz matične knjige rođenih, te Kućne liste, te na osnovu Potvrde broj: 07-185/22 od 23.02.2022. godine JU Zavod za zdravstvenu zaštitu zaposlenika MUP-a Kantona Sarajevo utvrđeno je da suprug imenovane-Kadrić Nermin boluje od bolesti-povrede koja se smatra teškom, a u slučaju koje se može ostvariti pravo na jednokratnu novčanu pomoć.

Članom 18. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo („Službene novine Kantona Sarajevo“ br. 17/15 i 18/22), propisano je da u slučaju nastanka povrede na radu, teške invalidnosti ili teške bolesti zaposlenika, ili člana njegove uže porodice, isplaćuje mu se jednokratna novčana pomoć u visini od tri prosječne neto plaće isplaćene u Federaciji Bosne i Hercegovine prema zadnjem objavljenom statističkom podatku.

Prema posljednjim objavljenim podacima, tri prosječne mjesečne plaće isplaćene u Federaciji BiH za period april - juni 2022.godine, iznose 3.306,00 KM.

Imajući u vidu naprijed navedeno, odlučeno je kao u dispozitivu.

Dostavljeno:

1x imenovanoj

1x dosije imenovane

1x Sl.fin.rač.posl.GC

1x a/a

DIREKTOR

[Redacted Signature]  
Mirza Musa

